

AKHBAR : BERITA HARAIN

MUKA SURAT : 52

RUANGAN : NASIONAL



Md Isa dan Barkeh bergambar kenangan dengan kakitangan hospital selepas dinikahkan di HSB, Alor Setar, semalam.

(Foto Mohd Rizal Abdullah/BH)

Warga tua nikah di hospital

Alor Setar: Sepasang pengantin warga tua terpaksa bernikah di Hospital Sultanah Bahiyah (HSB), di sini, semalam, selepas jurunkah mereka dimasukkan ke situ sejak dua hari lalu.

Md Isa Saman, 62, dan Barkeh Mahamood, 63, yang dijadualkan bernikah di Masjid Tunku Kalsom, Langgar, tetap gembira walaupun terpaksa bernikah di bilik seminar hospital berkenaan pada jam 10.45 pagi, selepas jurunkah, Abd Wahab Abd Aziz dimasukkan ke wad kerana komplikasi jantung sejak Khamis lalu.

Barkeh dari Langgar

berkata, berikutan segala persiapan perkahwinan sudah dilakukan, mereka menziarahi Abd Wahab di hospital selepas menerima perkhabaran terbabit.

"Kami ada berbincang dengan beliau (Abd Wahab) dan meminta supaya menikahkan kami di wad, selepas keadaannya stabil nanti.

"Alhamdulillah, semalam (kelmarin) kesihatan beliau semakin baik dan pihak hospital memberikan kebenaran, selain menyediakan bilik bagi memudahkan majlis akad nikah berlangsung.

"Terima kasih kepada semua, termasuk keluarga

kedua-dua belah pihak yang membantu memudahkan perjalanan majlis," katanya ketika ditemui di pekarangan hospital.

Md Isa yang berasal dari Baling berkata, majlis akad nikah disusuli dengan kenduri yang berlangsung di Kampung Tanjung Inggeris.

"Kami bersyukur Allah mempermudahkan urusan pernikahan dan semua rancangan berjalan dengan lancar.

"Biarpun terpaksa bernikah di hospital, kenanngan ini amat bermakna buat saya dan isteri," katanya yang bekerja sendiri.

AKHBAR : BERITA HARAIN

MUKA SURAT : 49

RUANGAN : NASIONAL

Tunku Azizah sertai larian santai

Kuala Lumpur: Raja Permaisuri Agong, Tunku Hajah Azizah Aminah Maimunah Iskandariah, pagi semalam berkenan melepaskan peserta larian santai KL Pink October Walk 2019.

Tunku Azizah yang berpakaian sukan berwarna merah jambu hadir ke pekarangan Hospital Kuala Lumpur sekitar 7.30 pagi dan turut berjalan sejauh satu kilometer bersama lebih 2,000 peserta yang mula tiba di lokasi berkenaan seawal jam 6.45 pagi.

Larian santai sejauh lima kilometer secara keseluruhan itu adalah sebahagian kempen kesedaran kanser payudara yang disambut di seluruh dunia pada setiap Oktober.

Sebaik menamatkan larian santai terbabit, Tunku Azizah bersama anakanda, Tengku Puteri Jihan Azizah Athiyatullah, turut mengunjungi ruang yang menawarkan perkhidmatan periksaan saringan kanser payudara.

Lebih menarik, Tunku Azizah tidak ketinggalan menghilangkan dahaga dengan menikmati air dari van disediakan pengajur, bersama peserta sambil berkongsi cerita mengenai larian santai yang mereka sertai.

Tunku Azizah kemudian berkenan berangkat melawat wad



Tunku Azizah menyertai larian santai KL Pink October Walk 2019 di Kuala Lumpur, semalam. [Foto BERNAMA]

radioterapi dan onkologi Hospital Kuala Lumpur (HKL), serta meluangkan masa hampir sejam beramah mesra dengan 45 pesakit di wad berkennaan.

Selain bertanya khabar dan memberi kata-kata semangat ke-

pada pesakit kanser yang menjalani rawatan, Tunku Azizah turut menceriakan pesakit dengan menyampaikan beg cenderahati disediakan pengajur.

Kehadiran Tunku Azizah dan anakanda baginda pada acara la-

rian santai dan wad itu diiringi Pengarah HKL, Datuk Heric Corray; Ketua Pengarah Kesihatan, Datuk Dr Noor Hisham Abdullah dan Pengurus KL Pink Oktober Walk, Dr Ros Suzanna Bustaman.

BERNAMA

AKHBAR : SINAR HARAIN**MUKA SURAT : 18****RUANGAN : NASIONAL**

Orang ramai mengambil peluang bergambar dengan Tunku Azizah pada larian santai KL Pink October Walk 2019 di HKL semalam.

Tunku Azizah hadir larian santai KL Pink October Walk 2019

KUALA LUMPUR - Raja Permaisuri Agong, Tunku Azizah Aminah Maimunah Iskandariah semalam berkenan melepaskan peserta larian santai KL Pink October Walk 2019.

Tunku Azizah yang tiba di pekarangan Hospital Kuala Lumpur (HKL) sekitar jam 7.30 pagi dengan berpakaian sukan berwarna merah jambu turut serta berjalan sejauh satu kilometer bersama lebih 2,000 peserta yang mula tiba di lokasi berkenaan sejak jam 6.45 pagi.

Larian santai sejauh lima kilometer secara keseluruhan itu adalah sebahagian kempen kesedaran kanser payudara yang disambut di seluruh dunia pada setiap Oktober.

Sementara itu, reruai yang menawarkan per-

khidmatan pemeriksaan saringan kanser payudara turut dikunjungi Tunku Azizah bersama anakanda, Tengku Puteri Jihan Azizah 'Athiyatullah sebaik baginda menamatkan larian santai tersebut.

Lebih menarik, Tunku Azizah tidak ketinggalan menghilangkan dahaga dengan menikmati air Milo daripada van yang disediakan penganjur bersama peserta sambil berkongsi cerita mengenai larian santai yang disertai mereka.

Usai melawat reruai dan bertemu peserta, Tunku Azizah kemudian berkenan mencemar dulii berangkat melawat Wad Radioterapi dan Onkologi HKL, sebelum meluangkan masa selama hampir satu jam beramah mesra dengan 45 pesakit di wad berkenaan. - Bernama

AKHBAR : SINAR HARAIN

MUKA SURAT : 6

RUANGAN : NASIONAL

Waspada sekiranya ada gejala demam

KUALA LUMPUR - Tahap waspada terhadap gejala demam perlu ditingkatkan melalui pemeriksaan lanjutan kerana dikhuatiri berisiko dijangkiti virus zika.

Timbalan Menteri Kesihatan, Dr Lee Boon Chye berkata, mereka yang dijangkiti virus zika cenderung mengalami simptom seperti jangkitan denggi namun hanya dapat dikenali pasti setelah melalui pemeriksaan.

"Kita perlu berwaspada kerana kita pun mempunyai rekod jangkitan denggi lebih 100,000 tahun ini.

"Jadi mereka yang demam lebih dua hari, ada sakit-sakit badan dan sebagainya patut mendapatkan rawatan



DR BOON CHYE

dan pemeriksaan yang sesuai," katanya ketika ditemui pada Hari Pejuang Kanser anjuran National Cancer Society Malaysia (NCSM) di sini semalam.

Boon Chye berkata, kementerian komited dalam melaksanakan kaedah kawalan wabak seperti mana kawalan terhadap wabak denggi sedia ada.

AKHBAR : SINAR HARAIN

MUKA SURAT : 6

RUANGAN : NASIONAL

KKM siasat kematian mangsa zika

Punca sebenar kematian anggota Maritim diketahui dua minggu lagi

SITI FATIHAH AWANG

KOTA BHARU

Kementerian Kesihatan (KKM) akan menjalankan siasatan dan kajian lanjut berhubung kematian seorang anggota Maritim yang didakwa dijangkiti virus zika kelmarin.

Menteri Kesihatan, Datuk Seri Dr Dzulkefly Ah-

mad berkata, Leftenan Muda (M) Mohamad Ikmal Ibrahim, 30, dimasukkan ke hospital pada 27 September dengan gejala cirit-birit dan muntah yang dialami sehari sebelum itu.

"Ketika di wad, pesakit disyaki menghidap leptospirosis dan denggi sebelum disyaki terdapat jangkitan zika.

"Melalui ujian makmal disahkan pesakit dijangkiti leptospirosis dan zika. Namun seperti yang dilaporkan oleh Badan Kesihatan Sedunia (WHO) bahawa majoriti pesakit yang dijangkiti penyakit zika tidak mengalami simptom dan kadar kematian adalah sangat rendah.



DR DZULKEFLY

dimaklumkan selepas dienal pasti.

Kelmarin, negara dijutkan dengan kematian Allahyarham Leftenan Muda (Maritim) Mohamad Ikmal Ibrahim yang merupakan korban pertama akibat virus zika di negara ini pada tahun ini.

Allahyarham yang bertugas di KM Nusa Maritim Terengganu dilaporkan meninggal dunia kira-kira jam 4.45 pagi selepas dimasukkan ke wad Hospital Manjung, Perak pada 12 Oktober lalu.

Kes jangkitan virus zika itu merupakan kes kesembilan dilaporkan sejak empat tahun lalu yang mana lapan kes berlaku pada 2016.

"Oleh itu, siasatan terperinci dijalankan mengenai punca kematian pesakit," katanya di sini semalam.

Dr Dzulkefly berkata, keputusan kajian sekurang-kurangnya siap dalam tempoh dua minggu dan akan